

古
今
小
說

賈作道西面
遊此



太保慶節布
臣報端



第二十二卷

木錦蒼鄭虎臣報寬

荷花桂子不勝悲

江介年華憶昔時

天日山來孤鳳歇

海門潮去六龍移

賈充悞世終無策

瘦信哀時尚有詞

莫向中原誇絕景

西湖遺恨是西施

這一首詩是張志遠所作，只爲宋朝南渡以後，紹興淳熙年間，息兵罷戰，君相自謂太平，縱情佚樂，士大夫賓玩湖山，無復恢復中原之志，所以末一聯詩說道莫向中原誇絕景，西湖遺恨是西施，那時西湖有

三秋桂子，十里荷香，青山四圍，中涵綠水，金碧樓臺相間，說不盡許多景致。蘇東坡學士有詩云：若把西湖比西子，淡粧濃抹兩相宜。因此君臣耽山水之樂，忘社稷之憂，恰如吳宮被西施迷惑一般。當初吳王夫差寵幸一箇妃子，名曰西施，日逐在百花洲錦綉溼，姑蘇臺流連玩賞。其時有箇佞臣伯嚭，逢君之惡，勸他窮奢極欲，誅戮忠臣，以致越兵來襲，國破身亡。今日宋朝南渡之後，雖然夷勢猖獗，中原人心不忘。趙氏尚可乘機恢復也，只爲聽用了幾箇奸臣，盤荒解惰，以致於此。那幾箇奸臣，秦檜、韓侂胄、史彌遠、賈

似道素擅居相位一十九年，力主和議，致害岳飛，解
散張韓劉諸將兵柄，韓侂胄居相位一十四年，陷害
了趙汝愚丞相，罷黜道學諸臣，輕開邊釁，辱國殃民。
史彌遠在相位二十六年，謀害了濟王，竊專任儉王，
以居臺諫，一時正人君子，貶斥殆盡。那時蒙古盛強，
天變屢見，宋朝事勢已去了七八了，也是天數當盡，
又生出箇賈似道來，他在相位一十五年，專一蒙蔽
朝廷，偷安肆樂，後來避賊官，鬪賊，死於水綿菴，不救
亡國之禍，有詩爲證。

奸邪自古誤人多

無奈君王輕信何

朝論若分忠佞字

太平玉函未調和

話說南宋寧宗皇帝嘉定年間浙江台州一箇官人
姓賈名法因往臨安府聽選一主一僕行至錢塘地
名叫做鳳口里行路饑渴偶來一箇村家歇脚打箇
中火那人家竹籬茅舍甚是荒涼賈涉叫聲有人麼
只見蘆篾開處走箇婦人出來那婦人生得何如

面如滿月髮若烏雲薄施脂粉儘有容顏不學妖
嬈自然丰韻鮮眸玉腕生成福相端嚴裙布釵荆
任是村粧希罕分明美玉藏頑石一似明珠墜空
淵隨他呆子也消魂况是客邊情易動

那婦人見了賈涉，不慌不忙，深深道箇萬福。賈涉看那婦人是箇福相，心下躊躇道：「吾今壯年無子，若得此婦爲妾，心滿意足矣。」便對婦人說道：「下官往京候選，順路過此，欲求一飯，未審小娘子肯爲炊爨否？自當奉謝。」那婦人答道：「奴家職在中饋，炊爨當然。况是尊官榮顧，敢不遵命。但丈夫不在，休嫌怠慢。」賈涉見他應對敏捷，愈加歡喜。那婦人進去不多時，捧兩碗熱豈湯出來，說道：「村中之茶，將就救渴少停。」又擺出主僕兩箇的飯來。賈涉自帶得有牛脯乾菜之類，取出喫飯。那婦人又將大磁壺盛着滾湯，放在桌上道：

尊官淨口，賈涉見他殷勤，便問道：小娘子尊姓爲何？獨居在此，那婦人道：叔家胡氏，丈夫叫做王小四，因連年種田折本，家貧無奈，要同叔家去投靠一箇財主過活，奴家立誓不從，丈夫拗奴不過，只得在左近人家起工度日，奴家獨自守屋，賈涉道：下官有句不識進退的言語，未知可否，那婦人道：但說不妨，賈涉道：下官頗通相術，似小娘子這般才貌，決不是下賤之婦，你今屈身隨着箇村農，豈不擔誤終身？况你丈夫家道艱難，顧不得小娘子體面，下官壯年無子，正欲覓一側室，小娘子若肯相從，情願多將金帛贈與。

都共梳
絲線合

賢夫別謀結髮，可不兩便。願婦人道丈夫也曾發誓，要賣妾身，是妾不肯。既尊官有意見，待丈夫歸時，尊官自與他說，妾不敢擅許，說猶未了。只見那婦人指着門外道：丈夫回也。只見王小四戴一頂破頭巾，披一件舊白布衫，喫得半醉，闖進門來，買酒便起身道：下官是往京聽選的，偶借此中火，甚是攪擾。王小四答道：不妨事，便對胡氏說道：主人家少箇針線娘，我見你平日好手針線，對他說了，他要你去教導他女兒生活。先送我兩貫足錢，這遍要你依我去。去胡氏半倚着蘆簾內外，答道：後生家臉皮羞答答地，怎

到人家去起飯不去不去王小四發箇喉急便道你
不去時我沒處尋飯養你買涉見他說話乖巧便詐
推解手却分付家童將言語勾搭他道大伯你花枝
般娘子怎捨得他往別人家去王小四道小哥你不
曉得我窮漢家事體一日不識羞三日不忍餓却比
不得大戶人家喫安間茶飯似此喬模喬樣委的
我家住不了家童道假如有箇大戶人家肯出錢鈔計
你這位小娘子去你捨得麼王小四道有甚捨不得
家童道只我家相公要討一房側室你若情願時我
權撥多把幾貫錢鈔與你王小四應允家童將言語

回復了賈涉賈涉便教家童與王小四講就四十兩銀子身價王小四在村中央箇教授來寫了賣妻文契落了十字花押一面將銀子兌過王小四收了銀子賈涉收了契書王小四還只怕婆娘不肯甜言勸諭誰知那婦人與賈涉先有意了也是天配姻緣自然情投意合當晚賈涉主僕二人就在王小四家歇了王小四也打鋪在外間相伴婦人自在裏面鋪上獨宿明早賈涉起身催婦人梳洗完了喫了早飯央王小四在村中另顧箇生口馱那婦人一路往臨安去有詩爲證

夫妻配偶是前緣

千里紅繩暗自牽

况是榮華封兩因

村農豈得伴終年

賈涉領了胡氏住在臨安寓所約有半年尚選得九
江萬年縣丞迎接了孀人唐氏一同到任原來唐氏
爲人妬悍賈涉平昔有箇懼內的毛病今日唐氏見
丈夫娶了小老婆不勝之怒日逐在家洶氣又聞胡
氏有了三箇月身孕思想道丈夫向來無子若小賤
人生子必然寵用那時我就等他不過了我就是養
得出孩兒也讓他做哥哥日後要被他欺侮不如及早
早除了禍根方妙乃尋箇事放筵前氏尋打一頓劍

去衣衫敗他在使婢隊裏一般燒茶煮飯掃地批復
鋪牀疊被又禁住丈夫不許與他睡每日尋事打罵
要想墮落他的身孕賈涉滿肚子惡氣無可奈何一
日縣宰陳履常請賈涉飲酒賈涉與陳履常是同府
人平素過家往來相處得極好的陳履常請得賈涉
到衙飲酒中間見他容顏不悅叩其緣故賈涉抵諱
不得將家中妻子如妾事情細細告訴了一遍又道
賈門宗嗣全賴此婦不知室尊有何妙策可以保全
此妾倘日後育得一男實爲萬幸賈氏祖宗也當衙
思於地下陳履常想了一會便道要保全却也容易

只怕足下捨不得他離身。賈汝道：左右如今也不容相近。咫尺天涯一段，有甚捨不得處。陳履常附耳低言：若要保全身孕，只除如此如此。乃取紅帛花一朵，悄悄遞與賈汝，教他把與胡氏爲暗記。這箇計，就、就、在這、朵、花、上、後、來、便、見、有、詩、爲、證。

奧醋酸酸從古有

覆宗絕嗣甘出醜

紅花定計有堂尊

巧婦怎出男子手

生世
了人

忽一日陳縣宰打聽得丞廳請醫云是替孺人有徵，急待其病痊，乃備了四盒茶菓之類，教奶奶到丞廳問安。書孺人番之寬坐，整備小飯，相款諸婢羅侍在

側說話中間奶奶道貴驥有許多女使伏侍且是伶
俐寒舍苦於無人要一箇會答應的也沒有甚不方
便急切沒尋得若借得一箇小娘子與寒舍相幫幾
時等討得箇替力的來即便送還何如唐氏道通家
怎說箇借字只怕粗婢不中用奶奶看得如意但憑
選擇卽當奉贈奶奶稱謝了看那諸婢中間有一箇
生得齊整鬢邊正插着這朵紅帛花心知是胡氏便
指定了他說道借得此位小娘子甚好唐氏正在喫
醋巴不得送他遠遠離身却得此句言語正合其意
加添縣宰之勢丞廳怎敢不從料道丈夫也難埋怨

遠聲答應道：這小婢姓胡，在我家也不多時，奶奶既中意時，卽今便教他跟隨奶奶去。當時席散，奶奶告別胡氏，拜了唐氏四拜，收拾隨身衣服，跟了奶奶轎子，到縣衙去訖。唐氏方纔對賈涉說知，賈涉故意歎惜，正是：

算得通時做得克

將他購在鼓當中

縣衙此去方安穩

絕勝存孤趙氏宮

胡氏到了縣衙，奶奶將情節細說，另打掃簡房，舖與他安息。光陰似箭，不覺十月滿足，到八月初八日，胡氏腹痛，產下一箇孩兒，奶奶只說他婢所生，不使丞

廳知道那時賈涉適在他郡去檢校一件公事到九
月方歸與縣宰陳履常相見陳公悄悄的報箇喜信
與他賈涉感激不盡對陳公說要見新生的孩兒一
面陳公教丫鬟去請胡氏立於簾內丫鬟抱出小孩
子遞與賈涉賈涉抱了孩兒心中雖然歡喜顧着簾
內不覺墜下淚來兩下隔簾說了幾句心腹話兒胡
氏教丫鬟接了孩子進去賈涉自回自此背地裏不
時送些錢鈔與胡氏買東買西閭家通知只瞞過唐
氏一人光陰荏苒不覺二載有餘那縣宰任滿陞遷
要赴臨安賈涉只得將情告知唐氏要領他母子回

家唐氏聽說一時亂將起來，咕噪箇不住，連縣宰的奶奶也被他奉承了幾句。亂到後面，定要丈夫將胡氏嫁出，方許把小孩兒領回。賈涉聽說嫁出胡氏一件，到也罷了，單只怕領回兒子，被唐氏故意謀害，或是絕其乳食，心下懷疑不決。正在兩難之際，忽然門上報道：台州有人相訪賈涉，忙去迎時，原來是親兄賈滿。他爲朝廷妙擇良家女子，養育宮中，以備東宮嬪嬙之選。女兒賈氏玉華已選入數內。賈滿思量要打劉八太尉的關節，扶持女兒上去，因此特到兄弟任所，與他商議。賈涉在臨安聽選時，貨的正是劉八

太尉的房子所以有舊賈涉見了哥哥心下想道此
來十分湊巧便將娶妾生子并唐氏姦姦事情細細
與賈濡說了如今陳公將次離任把這小孩子沒送
一頭處哥哥若念賈門宗嗣領他去養育成人感恩
非淺賈濡道我今尚無子息同氣連枝不是我領去
教誰看管賈涉大喜私下在丫頭問字簡要了孩
子交付妳娘囑付哥哥好生撫養就寫了劄入太尉
書信一封賞發些路費送哥哥賈濡起身胡氏托與
陳公領去任從收養那賈涉胡氏雖然兩不相捨也
是無可奈何唐孺人聽見丈夫說子母都發開十分

像意了，只是苦了胡氏，又去了小孩子，又離了丈夫，跟隨陳縣宰的上路，好生悽慘，一路只是悲哭，奶奶也勸解他不住，陳履常也厭煩起來，行至維揚，分付水手，就地地方喚箇媒婆，教他尋箇主兒，把胡氏嫁去，只要對頭老實忠厚，一分財禮也不要，你說自送人老婆，那一箇不肯上樁，不多時，媒婆領一箇漢子到來，說是箇細工石匠，誇他許多志誠老實，你說借大一箇維揚，難道尋不出箇好對頭，偏只有這石匠，是有箇緣故，常言道：三姑六婆，媒少爭多，那媒婆最是愛錢的，多計了他幾貫謝禮，就玉成其事了，石匠見

了陳顯宰，磕了四箇頭，站在一邊。陳履常看他衣衫
濟楚，年力少壯，又是從不曾婚娶的，且有手藝，發得
老婆過活，便將胡氏許他。石匠真箇不費一錢白白
裏領了胡氏去，成其夫婦，不在話下。再說賈涉自從
胡氏母子兩頭分散終日悶悶不樂，忽一日，唐儒人
染病上牀服藥不痊，嗚呼哀哉，死了。賈涉買棺入殮，
已畢，棄官扶柩而回，到了故鄉，一喜一悲。喜者是見
那小孩子比前長大，悲者是胡氏嫁與他人，不得一
見，正是

花開遭雨打

雨止又花殘

世間無全美

看花幾箇歡

却說賈家小孩子長成七歲聰明過人讀書過日成誦父親取名似道表字即憲賈似道到十五歲無書不讀下筆成文不幸父親賈涉伯伯賈濡相繼得病而亡殯葬已過自此無人拘管恣意曠蕩呼盧六博鬪雞走馬飲酒宿娼無所不至不勾四五年把兩分家私蕩盡初時聽得家中說道嫡母胡氏嫁在維揚爲石匠之妻姐姐賈玉華選入宮中思量維揚路遠又且石匠手藝沒甚出產聞得姐姐選入沂王府中今沂王做了皇帝寵一箇妃子姓賈不知是姐姐不

是且到京師，觀其勤靜。此時理宗端平初年，也是賈似道時運將至，合當發跡。將家中剩下家火，變賣幾貫錢鈔，收拾行李，逕往臨安。那臨安是天子建都之地，人山人海，况賈似道初到，並無半箇相識，沒處討箇消息。鎮日只在湖上遊蕩閒時，未免又在賭博場中頑耍，也不免平康巷中走走，不勾幾日，行囊一空。衣衫藍縷，只在西湖幫閒趁食。一日醉倦，小憩於接霞嶺下，過一箇道人，布袍羽扇，從嶺下經過，見了賈似道，站定腳頭，瞪目看了半晌，說道：「官人可自愛重，將來功名不在韓魏公之下，那箇韓魏公是韓侂胄。」

東坡仙
沈初似道
昨日女以
此自族自
何也

此乃天意

志不過如
此

諱世忠的，他位兼將相，夷夏欽仰，是何等樣功名。去
今有幾箇人及得他。賈似道聞此言，只道是戲侮之
談，全不准信。那道人自去了，過了數日，賈似道在平
康巷趙二媽家酒後，與人賭博相爭，失足跌於階下，
磕損其額，血流滿面。雖然沒事，額上結下一箇瘰癧。
一日在酒肆中，又遇了前日的道人，頓足而歎，說道：
可惜，可惜！天堂破損，雖然功名蓋世，不得善終矣。賈
似道扯住道人衣服，問道：我果有功名之分，若得一
日，稱心滿意，就死，何恨？但目今流落無依，怎得箇遭
際富貴，從何而來？道人又看了氣色，便道：滯色已開。

夢

只在三日內自有奇遇平步登天但官人得意之日
休與秀才作對切記切記說罷這人自去了賈似道
半信不信看看捱到第三日只見賭博場中的陳二
郎來尋賈似道對他說道朝廷近日冊立了賈貴妃
十分寵愛言無不從賈貴妃自言家住台州特差劉
八太尉往台州訪問親族你時常說有箇姐姐在宮
中莫非正是貴妃特此報知果有瓜葛可去投劉八
太尉定有好處賈似道聞言如夢初覺想道我父親
存日常說曾在劉八太尉家作寓往來甚厚姐姐入
宮近御也虧劉八太尉扶持一到臨安就該投奔他

纔是却開蕩過許多日子，豈不好笑。雖然如此，我身上藍縷，怎好去見劉八太尉。心生一計，在典舖裏賃件新鮮衣服穿了，折一頂新頭巾，大模大樣，搖擺在劉八太尉府中去。自稱故人之子，台州姓賈的，有話求見。劉八太尉正待打點動身，往台州訪問賈貴妃親族，聞知此言，又只怕是冒名而來的，與信心腹親隨先叩來歷分明，方准相見。不一時，親隨口話道：是賈涉之子，賈似道。劉八太尉道：快請進。原來內相衙門規矩最大，尋常只是呼喚而已，那箇請字也不容易說的。此乃是貴妃面上，當時賈似道見了劉八太

行慌忙下拜，太尉雖然答禮，心下尚然懷疑，細盤問方知是實，留了茶飯，送在書館中安宿。次早入宮，報與賈貴妃知道。貴妃向理宗皇帝說了，宣似道入宮。與貴妃相見，說起家常，姊弟二人抱頭而哭。貴妃引賈似道就在宮中見駕，哭道：妾只有這箇兄弟，無家無室，伏乞聖恩重贖，看覩理宗御筆，除授籍田令。卽命劉八太尉在臨安城中，撥置甲第一區，又選宮中美女十人，賜爲妻妾，黃金三千兩，白金十萬兩，以備家資。似道謝恩已畢，同劉八太尉出宮去了。似道叮囑劉八太尉道：家聖恩賜我住宅，必須近西湖一

帶方稱下懷。此時對八大尉在貴妃面上，巴不得奉承賈似道，只揀湖上大宅院，自賠錢鈔，倍價買來，與他做第宅。奴僕器用，色色皆備。次日，官中發出笑女十名，貴妃又私贈金銀寶玩器皿，共十餘車。似道一朝富貴，將百金賞了陳二郎，謝了報信之故。又將百金賞賜典舖中，償其賃衣，典舖中那里敢受，反備盛禮來賀喜。自此賈貴妃不時宣召，似道入宮相會，聖駕遊湖，也時常幸其私第，或同飲博遊戲，相待如家人一般。恩倖無比，似道恃着椒房之寵，全然不借體面。每日或轎或馬，出入諸名妓家，遇着中意，隨不拘。

一五一十總拉到西湖上與賓客來舟遊玩若賓客衆多分船並進另有小艇往來載酒肴不絕你說賈似道起自寒微有甚賓客有句古詩說得好道是貧賤親戚能富貴他人合賈似道做了國戚朝廷恩寵日隆那一箇不趨奉他只要一人進身轉相薦引自然其門如市了文人如廖瑩中翁應龍趙分如等武臣如夏貴孫虎臣等這都是門客中出色有名的其餘不可盡述也一日理宗皇帝遊苑登鳳皇山至夜望見西湖內燈火輝煌一片光明向左右說道此必賈似道也命飛騎探聽果然是似道遊湖天子對貴

如說了，又將金帛一車，贈爲酒資。以此似道愈加肆
全無忌憚詩曰

天子偷安無遠猷

縱容貴戚恣遨遊

問他無賽西湖景

可是安邊第一籌

那時宋朝仗蒙古兵力，滅了金人，又聽了趙范趙葵
之計，與蒙古構難，要守河據關，收復三京。蒙古引兵
入寇，責我敗盟。淮漢騷動，天子憂惶，賈似道自思無
功受寵，怎能勾超官進爵，又恐被人彈議，要立箇蓋
世功名，以取大位。除非是安邊遠寇，方是目前第一
箇大題目，乃自薦素諳韜略，願往淮陽招兵破賊，爲

不怕沒人
題目不特
大題小做
耳

天子保障東南理宗大喜遂封爲兩淮制置大使連節淮揚買似道謝恩辭朝携了妻妾賓客來淮揚赴任三日後密差門下心腹訪問生母胡氏果然跟箇石匠在廣陵驛東首住居訪得親切回復了似道似道卽差轎馬人夫攆着儀從去迎接本衙門聽事官率領人夫向胡氏磕頭到把胡氏險些唬倒聽事官致了制使之命方纔心下安穩胡氏道身旣從夫不可自專急教人去尋石匠回家對他說了石匠也要跟去胡氏不能阻當只得同行胡氏乘轎在前石匠騎馬在後前呼後擁來到制使府似道請母親進私

衙相見抱頭而哭。莫來母子分散時，似道止三歲。胡氏二十餘歲到今，又三十多年了。方纔會面相識，豈不傷感。似道聞得石匠也，跟隨到來，不好相見。卽將白金三百兩，差箇心腹人伴，他往江上與販暗地投計。半途中將石匠灌醉，推墜江中，只將病死回報。胡氏也感傷了一場。自此母子團圓，未無牽帶。似道錢守淮揚六年，僥倖東南無事。天子因貴妃思想兄弟，乃欽取似道還朝，加同樞密院事。此時丁大全罷相，吳潛代之。那吳潛號履齋，爲人豪雋，自喜引進兄弟，俱爲顯職。賈似道忌他位居已上，乃造成飛謠，教宮

中小內侍於天子面前歌之謠云

大蜈蚣小蜈蚣，盡是人間業毒蟲。
黃絲紫附百蟲叢，若使飛天使食龍。

天子聞得，乃問似道云：聞街坊小兒盡歌此謠，主何凶吉？似道奏道：謠言皆災，惑星化爲小兒，教人間童子歌之，此乃天意不可不察。蜈蚣與吳同，以臣愚見，推之大蜈蚣小蜈蚣，乃指吳潛兄弟，專權亂國，若使養成其志，必爲朝廷之害。陛下飛龍在天，故天意以食龍示警，爲今之計，不若罷其相位，另擇賢者居之，可以免咎。天子聽信了，卽命翰林草制，貶吳潛循州安

李其何
忍之也
命之也
甚

置第兄都削去官職似道卽代吳潛爲右丞相又差
心腹人命循州知州劉宗申日夜拾摭其短吳潛被
逼不過伏毒而死此乃似道狠毒處却說蒙古主蒙
哥屯合州城下遣太弟忽必烈分兵圍鄂州襄陽一
帶人情洶懼樞密院一日間連接了三道告急文書
朝廷大驚乃以賈似道兼樞密使京湖宣撫大使進
師漢陽以救鄂州之圍似道不敢推辭只得拜命聞
得大學生鄭隆文武兼全遣人招致於門下鄭隆素
知似道奸邪怕他難與共事乃具名刺先獻一詩云
收拾乾坤一擔擔、上肩容易下肩難、

龍君高着擎天手

多少傍人冷眼看

這首詩明說似道位高望重要他虛已下賢小心做事他若見了詩欣然聽納不在他門下走動一番誰知似道見詩中有規諫之意罵爲狂生把詩扯得粉碎不在話下再說買似道同了門下賓客文有廖瑩中趙分如等武有夏貴孫虎臣等精選羽林軍二十萬器仗鎧甲任意取辦擇日辭朝出師真箇是威風凜凜殺氣騰騰不一日來到濛陽駐扎此時蒙古攻城甚急邠州將破似道心膽俱裂那敢上前乃與廖瑩中諸人商議修書一封密遣心腹人宋京詣蒙

古營中求其退。隨情願稱臣納幣。忽必烈不許。似道遣人往復三四次。適值蒙古主蒙哥死於合州釣魚山下。太弟忽必烈一心要篡大位。無心戀戰。遂從似道請和。每年納幣稱臣。奉貢兩下。約誓已定。遂拔寨非去。奔喪即位。似道打聽得蒙古有事。非歸鄂州圍解。遂將議和稱臣納幣之事。賄過不題。上表誇張已功。只說蒙古懼已威名。聞風遠遁。使虜壁中撰爲露布。又撰福華編。以記鄂州之功。蒙古差使人來議歲幣。似道怕他破壞已事。命敢監於真州地方。只要蒙蔽朝廷。那願失信。夷虜理宗皇帝請似道有再造

之功下詔褒美加以進少師賜予金帛無算又賜身
嶺周圍田地以廣其居母胡氏封兩國夫人似道偃
然以中興功臣自任居之不疑日夕引歌姬舞妾於
湖上取樂四方貢獻絡繹不絕凡門客都布置顯要
或爲大部掌握兵權真箇是一人之下萬人之上每
年八月八日似道生辰作詞頌美者以數千計似道
一一親覽第其高下一時傳誦勝寫爲之紙貴時陸
景思入聲甘州一詞稱爲絕唱詞云

滿清平世界慶秋成看斗米三錢論從來活國檢
功第一無過豐年辦得民間安飽餘事笑談間若

問平戎策微妙難傳。玉帝要留公住，把西湖一曲分入林園。有茶滋丹竈，更有釣魚船。覺秋風、冷曾吹着，但砌蘭長倚北堂。萱千千歲上，天祥相子地神仙。

其他諂諛之詞不可盡述。一日似道同諸姬在湖上倚樓閒玩，見有二書生，解衣羽扇，丰致翩翩，乘小舟遊湖。登岸，傍一姬低聲贊道：美哉二少年！似道聽得了，便道：汝願嫁彼二人，當使彼聘汝。此姬惶恐辭罪。不多時，似道喚集諸姬，令一婢捧盒至前，似道說道：適聞某姬愛湖上書生，我已爲彼受聘矣。衆姬不信。

啟益視之乃某姪之首也衆姪無不販粟其待姪安
慘毒悉如此類又常差人販鹽百般至南安發賣太
學生有詩云

昨夜江頭長碧波

滿船都載相公鹽

雖然要作調羹用

未必調羹用許多

似道又欲行富國強兵之策御史陳竟道獻計要措
辦軍餉便國便民無如限田之法怎叫做限田之法
如今大戶田連阡陌小民無立錫之地有田者不耕
欲耕者無田宜以官品大小限其田數其等官戶止
該田若干其民戶止該田若干餘在限外者或同買

致有一種
道理無
可行的言
小人
要請政以
道理之故
則笑而不
覺也
必然之弊
若公道舉
行則民自
便雖王安
石青苗法
亦是其政
何害

或派買或官買回買者原係其所賣不拘年遠許
其回贖派買者棟股實人戶不濫限者派去要他用
價買之官買者官出價買之名為公田顧人耕種收
租以為軍餉之費先行之浙右候有端緒然後各路
照式舉行大率回買派買的都是下等之田又要照
價抽稅入官其上等好田官府自買又未免虧損原
價浙中大擾無不破家者其時怨聲載道太學生又
詩云

胡塵暗日鼓鼙鳴

高臥湖山不出征

不識咽喉形勢地

公田任自害蒼生

買似道恐其法不行先將白己濟田萬餘畝入官爲
公田朝中官員要奉承宰相人人聞風獻產翰林院
學士徐經孫條具公田之害似道諷御史舒有開劾
奏罷官又有著作郎陳著亦上疏論似道欺君瘠民
之罪似道亦尋事黜之於外公田官陳茂源目擊其
非棄官而去又有錢塘人葉李者字太白素與似道
相知上書切諫似道大怒黥其面流之於漳州自此
滿朝箝口誰敢道箇不字似道又立推排打量之法
何爲推排打量之法假如一人有田若干要他契書
查勘買賣來歷及質對四址明白若對不來時卽係

欺誑沒入其田，這便是推排。又去丈量尺寸，若是有餘，卽名隱匿田數，也要沒入。這便是打量行了這法，白白的沒入人產，不知其數。大學生又有詩云：

三分天下二分亡

猶把山河寸寸量

縱使一坵添一畝

也應不似舊封疆

又有人作沁園春詞云：

道過江南泥堵粉壁，右具在，前述何縣何鄉里住。
何人地佃何人田，氣象蕭條，生靈憔悴，經界從來未必然。惟何甚爲官爲已，不把人憐。○思量幾許山出，况上地分張，又百年西蜀巉巖，雲迷鳥道，雨

浩清野，日警狼煙，宰相弄權，奸人同上，誰念干戈
未息，肩穿大地，何須經理，萬取千焉。

似道屢聞太學生譏訕，心中大怒，與御史陳伯大商
議，奏立士籍，比科場應舉，及免舉人州縣給曆一道。
親書年貌世系及所肄業於曆首，執以赴舉。過省，叅
對筆跡異同，以防偽濫，乃密令人四下查訪。凡有詞
華文采，能詩善詞者，便疑心他造言生謗，就於叅對
時，尋其過誤，故意黜罷。由是諂諛進身，文人喪氣。時
人有詩云：

戎馬掀天動地來

荆襄一路哭聲哀

平章束手全無策

却把科場惱秀才

又有人作沁園春詞云

士籍令行，條件分明，逐一排連。問子孫何習，父兄何業，明經詞賦，右具如前。最是中間娶妻，某氏試問於妻，何與焉。鄉保舉，那堪着押，開口論錢。○祖宗立法於前，又何必更張萬萬千。笑行關改會，限田放糶，生民凋瘵，膏血俱賸。只有士心，僅存一脉。今又艱難，最可憐。誰作俑，卓伯大，附勢專權。

陳伯大收得此詞，獻與似道。似道密訪其人，不得，知是秀才輩所爲，乘理宗皇帝晏駕，奏停是年科舉，自

此太學武學宗學三處秀才恨入骨髓其中又有一班無耻的倡率衆人稱功頌德似道欲結好學校一厚酬一般也有感激賈平章之恩願爲之用的此見秀才中人心不一所以公論不伸也不在話下却說理宗皇帝傳位度宗改元咸淳那度宗在東宮時似道曾爲講官兼有接立之恩及卽位加似道太師封魏國公每朝見天子必答拜稱爲師相而不名又詔他十日一朝赴都堂議事其餘聽從自便大小朝政皆就私第取決當時傳下兩句口號道是

朝中無宰相

湖上有平章

一日似道招右丞相馬廷鸞樞密使葉夢鼎於湖中
飲酒似道行令要舉一物送與一箇古人那人還詩
一聯似道首令云

我有一局棋送與古人奕秋奕秋得之子我一聯
詩自出洞來無敵手得饒人處且饒人

馬廷鸞云

我有一竿竹送與古人呂望呂望得之子我一聯
詩夜靜水寒魚不食滿船空載月明歸

葉夢鼎云

我有一張犁送與古人伊尹伊尹得之子我一聯

詩但存方寸地，畱與子孫耕。

似道見二人所言，俱有譏諷之意。明日尋事奏知天子，將二人罷官而去。那時蒙古強盛，改國號曰元。遣兵圍襄陽樊城，已三年了。滿朝盡知，只瞞着天子一人而已。似道心知國勢將危，乃汲汲爲行樂之計。嘗於清明日遊湖作絕句云：

寒食家家插柳枝

畱春春亦不多時

人生有酒須當醉

青塚兒孫幾箇悲

於葛嶺起建樓臺亭榭，窮工極巧。凡民間笑色，不拘娼尼，都取來充實其中。聞得官人葉氏色笑勾通了。

讀此詩乃
知似道心
事其所爲
皆不終日
之計耳

慶云宋宮
不蓄心是

務使得中

十爲之相

何手誤劫

訂價訂價

太言敬君

穿宮太監，選取出爲妾，晝夜淫樂無度，又造多寶閣，凡珍奇寶玩，百方購求，充積如山，每日登閣一遍，任意取玩，以此爲常。有人言及邊事者，卽加罪責。忽一日，度宗天子問道，聞得襄陽久困，奈何？似道對云：「非兵久已退去。」陛下安得此語？天子道：「適有女嬪言及料師相必知其實。」似道奏云：「此訛言。」陛下不必信之。萬一有事，臣當親率大軍爲陛下誅盡此虜耳。說罷，退朝。似道乃令穿宮太監密查女嬪名姓，將他事誣陷他，賜死宮中。正是：

是非只爲多開口

煩惱皆因強出頭

堪笑當時衆臺諫

不如女嬃肯分憂

自宮嬪死後，內外相戒，無言及邊事者。養成虜患，非一朝一夕之故也。似道又造半閒堂，命巧匠塑已像於其中，旁室數百間，招致方術之士及雲水道人在內，停宿似道暇日，到中堂打坐，與術士道人談講，門客中獻詞頌，那半閒堂的極多，只有一篇名糖冬令，最爲似道所稱賞詞云：

天上摘星班，青牛度關，幻出蓬萊新院宇。花外竹、竹邊山。軒冕倘來問，人生閒最難。笑真閒不到，人間一半神仙先占取，畱一半與公閒。

有一術士號富春子善風角鳥占。賈似道招之。試其術。問以來日之事。富春子乃窹寫一紙。封固。囑道。至晚方開。次日似道宴客湖山。晚間於船頭送客。偶見明月當頭。口中歌曹孟德月明星稀。烏鵲南飛。二句。時廖堂中在旁說道。此際可拆青觀之矣。紙中更無他事。惟寫月明星稀。烏鵲南飛。八箇字。似道大驚。方知其術神驗。遂叩以終身禍福。富春子道。師相富貴古今莫及。但與姓鄭人。不相宜。當遠避之。原來似道少時曾夢自己乘龍上天。却被一勇士打落。墮於坑塹之中。那勇士背心上。寫成榮陽二字。榮陽却是

可恨可憐

姓鄭的郡名與富春子所言相合，怎敢不信。似道自此檢閱朝籍，凡姓鄭之人，極力排擠，不容他在位。宦籍中竟無一姓鄭者。有門客揣摩似道之意，說道：「太學生鄭隆，慣作詩詞，議訕朝政，此人不可不除。」似道想起昔日獻詩規諫之恨，分付太學博士尋他沒影的，罪過將他點配恩州。鄭隆在路上，殿氣而死。又有一人善能拆字，決斷如神，似道富貴已極，漸蓄不臣之志，又恐虜信漸迫，購不到頭，朝廷必須見責，於是欲行董卓曹操之事，召拆字者，以杖置地，作奇字，使決休咎。拆字的相了一回，說道：「相公之事不諧矣。」道

是立又不可道是可又不立似道默然無語厚贈金帛而遣之恐他泄漏機關使人於中途謀害自此反謀遂沮富春子見似道舉動非常懼禍而逃可謂見機而作者矣却說兩國夫人胡氏受似道奉養將四十年直到咸淳十年三月某日壽八十餘方死衣衾棺槨窮極華侈齋醮追薦自不必說過了七七四十力日扶柩到台州與賈涉合葬舉喪之日朝廷以鹵簿送之自皇太后以下凡貴戚朝臣一路擺設祭饌爭高競勝有累高至數丈者裝祭之次至槨死數人百官俱戴孝追送百里之外天子爲之罷朝那時天

自此解送
後事未定
散宋注亦
述宋人謂
此語爲無
用之用故
然

金屋之
央

事

降大雨平地水深三尺送喪者都冒雨踏水而行水
沒及腰膝泥淖滿面無一人敢退後者葬畢又飯僧
三萬口以資冥福有一僧飯罷將鉢盂覆地而去衆
人揭不起來報與似道似道不信親自來看將手輕
輕揭起見鉢盂內覆着兩行細字乃白土寫成字畫
端楷似道大驚看時却是兩句詩道是

得好休時便好休

開花結子在綿州

正驚訝間字跡忽然滅沒不見似道遍召門客問其
詩意都不能解直到後來死於木綿巷方應其語大
凡大富貴的人前世來歷必奇非比等閒之輩今日

聖僧來點化似道要他回頭免禍。誰知他富貴薰心，迷而不悟。從來有權有勢的多，不得善終，都是如此。閒話休題，再說似道。葬母事畢，寫表謝恩。天子下詔起復似道入朝。似道假意乞許終喪，却又諷御史們上疏，虛相位以待已。詔書連連下來，催促起程。七月初，似道應命入朝，面君復居舊職。其月下旬，度宗晏駕，皇太子顯卽位，是爲恭宗。此時元左丞相史天澤、右丞相伯顏分兵南下，襄鄧淮揚處處告急。賈似道料定恭宗年少膽怯，故意將元兵消息張皇其事，奏聞天子，自請統軍行邊，却又私下分付御史們上疏。

或謂淮揚
可取

似此有柯
議可取

或謂呂文
維可借可
借

傳

薛已說道今日所恃只口臣一人若統軍行邊顧了
襄漢一路顧不得淮揚若顧了淮揚一路顧不得襄
漢不如居中以運天下運籌帷幄之中方能決勝於
千里之外倘師臣出外陛下有事商量與何人議之
恭宗准奏道師相豈可一日離吾左右耶不隔幾月
樊城陷了鄂州破了呂文煥死守襄陽五年聲援不
通城中糧盡力不能支只得以城降元元師乘勝南
下賈似道遮瞞不過只得奏聞恭宗聞報大驚對似
道說道元兵如此逼近非師相親行不可似道奏道
臣始初便請行邊陛下不許若早聽臣言豈容何人

似道此行
已不作駭
討天

似道欺天
子門事又
誠假說

得志若此。恭宗於是下詔，以賈似道都督諸路軍馬。
似道薦呂師夔、魯贊都督府軍事。其明年爲恭宗皇
帝德佑元年。似道上表出師，旌旗蔽天，船隻千里，水
陸並進，領着兩箇兒子，并妻妾輜重，凡百餘舟。門客
俱帶家小而行。參贊呂師夔先到江州，以城降元。元
兵乘勢破了池州。似道聞此信，不敢進前，遂次於魯
港。步軍招討使孫虎臣、水軍招討使夏貴，都是賈似
道門客。平昔間談天說地，似道倚之爲重。其實原沒
有張韓劉岳的本事。今日遇了大戰陣，如何僥倖得
去。却說孫虎臣屯兵於丁家洲。元將阿朮來攻孫虎

臣抵敵不過先自跨馬逃命步軍都曰散奔潰同亦
遣人繞宋舟大呼道宋家步軍已敗你水軍不降更
待何時水軍見說人人喪膽箇箇心驚不想廝殺只
想逃命一時亂將起來船纒簸蕩乍分乍合溺死者
不可勝數似道禁押不住急召夏貴議事夏貴道諾
軍已潰戰守俱難爲師相計宜入揚州招潰兵迎駕
海上貴不才當爲師相死守淮西一路說罷自去少
頃孫虎臣下船撫膺慟哭道吾非不欲血戰奈手下
無一人用命者奈何似道尚未及對哨船來報道夏
招討舟已解纜先行不知去向時軍中更鼓正打四

更似道茫然無策。又見哨船報道，元兵四圍殺將來也。急得似道面如土色，慌忙舉鐘退，願請軍大潰。孫虎臣扶着似道乘單舸奔揚州。堂吏翁應龍搶得都督府印信，奔還臨安。到次日，潰兵蔽江而下。似道使孫虎臣登岸揚旗招之，無人肯應者。只聽得罵聲嘈雜，都道：「賈似道好賊欺蔽朝廷，養成賊勢，誤國害民，害得我們今日好苦！」又聽得說道：「今日先殺了那殺奸賊，與萬民出氣。」說聲未絕，船上亂箭射來。孫虎臣中箭而倒。似道看見人心已變，急催船躲避，走入揚州城中，托病不出。話分兩頭，却說右丞相陳宜中、平

臣等
以
此
見

昔請事似道無所不至，似道扶持他做到相位，宜中見翁應龍奔還，問道師相何在，應龍回言不知，宜中只道已死於亂軍之中，首上疏論似道喪師誤國之罪，乞族誅以謝天下，於是御史們又趨奉宜中，交章劾奏，恭宗天子方悟似道奸邪誤國，乃下詔暴其罪略云：

大臣具四海之瞻，罪莫大於誤國，都督專閭外之寄，律尤重於喪師，具官賈似道，小才無取，大道未聞，歷相兩朝，曾無一善，變田穀以傷國本，立士籍以阻人才，匿邊信而不聞，曠戰功而不舉，至於寇

偏方議師征謂當纓冠而疾趨何為抱頭而鼠竄
遂致三軍解體百將離心社稷之勢綏旄臣民之
言切齒姑示薄罰俾爾奉祠嗚呼虜狄愆荆無復
周公之望放兇殛餘尚寬虞典之誅可罷平章軍
馬重事及都督諸路軍馬

廖瑩中舉家亦在揚州聞似道號賊特造府中問慰
相見時一言不能發但索酒與似道相對痛飲悲歌
兩泣直到五鼓方罷瑩中回至寓所遂不復寢命愛
姬煎茶茶到又遣愛姬取酒去私服水腦一握那水
腦是最毒之物服之無不死者藥力未行瑩中只怕

學中雖不
月不失
似慮忠臣
任何陳宜
中其多

不死急催熱酒到來，袖中取出水瀾，連進數盞，愛姪
方知喫的是毒藥，向前奪救，已不及了，乃抱瑩中而
哭，瑩中含着雙淚，說道：「休哭！休哭！我從丞相二十年，
安享富貴，今日事敗得死於家中，也算做善終了，說
猶未畢，九竅流血而死，可憐！廖瑩中聰明才學，詩字
皆精，做了權門犬馬，今日死於非命。」詩云：

不作無求蚓

甘爲逐臭蠅

試看風樹倒

誰復有榮藤

再說賈似道罷相，朝中議論紛紛，謂其罪不止此。臺
臣復交章劾奏，請加斧鉞之誅。天子念他是三朝元

老不忍加刑，謫爲高州團練副使，仍命於循州安置。其田產園宅，蓋數籍沒，以充軍餉。謫命下日，正是人月初八日，值似道生辰，建醮乃自撰青詞祈祐，略云：老臣無罪，何衆議之不容！上帝好生，奈死期之已迫。適當懸弧之日，預陳易質之詞。竊念臣似道際遇三朝，始終一節，爲國任怨，遭世多難，屬離虜之不恭，驅傷兵而往禦，士不用命，功竟無成，衆口皆誡，其非百喙難明。此謫四十年勞悴，悔不效留侯之保身，三千里流離，猶恐置霍光於赤族，何當覆載俯愧，勤勞伏皇。皇天后土之鑒，臨理考崇宗之

筆理
九卷六
信十行

昭登三宮，雲怒收瘴骨於江邊，九廟開靈攝妖氣於墳灶。

故宋時立法，凡大臣安置遠州，定有箇監押官，各爲護送，實則看守，如押送犯人相似。今日似道安置循州，朝議將箇監押官，須得有力量，有手段的，又要平日有怨隙的，方纔用得。只因循州路遠，人人怕去，獨有一位官員，慨然請行，那官員是誰？姓鄭名虎臣，官爲會稽尉，任滿到京，此人乃是太學生鄭隆之子，鄭隆被似道黥配而死，虎臣銜恨在心，無門可報，所以今日願去朝中，察知其情，遂用爲監押官，似道

人生所定
不相違所
以文沈斷
不可動

雖然不知虎臣是鄭隆之子，却記得幼年之夢，和那富春子的說話。今日正遇了姓鄭的人，如何不慌臨行時，備下盛筵，款待虎臣。虎臣巍然上坐，似道稱他是天使，自稱爲罪人，將上等寶玩，約值數萬金，獻上爲進見之禮，含着兩眼珠淚，淒淒惶惶的哀訴，述其幼時所夢，願天使大發菩薩之心，保全螻蟻之命，生生世世不敢忘報，說罷，屈膝跪下。鄭虎臣微微冷笑，答應道：「圍練日起，這寶玩是硃身之物，下官如何好受有話途中再講。」似道再三哀求，虎臣只是微笑，似道心中愈加恐懼。次日虎臣催促似道起程，金銀財

四

五

寶尚十餘車，婢妾童僕約近百人。虎臣初時並不阻，官行了數日，嫌他行李太重，擔候行期，將他童僕輩，日漸趕逐，其金寶之類，一路遇着寺院，逼他布施，似道不敢不依，約行半月，止剩下三箇車子。老年童僕數人，又被虎臣終日打罵，不敢親近。似道所坐車子，插箇竹竿，批帛爲旗，上寫着十五箇大字，道是奉旨監押安置循州。誤國奸臣賈似道，似道羞愧，每日以袖掩面而行。一路受鄭虎臣凌辱，不可盡言。又行了多日，到泉州洛陽橋上，只見對面一箇客官，匆匆而至，見了旗上題字，大呼平章久違了，一別二十餘年。

何期在此相會似道。只道是箇相厚的故人。放下衣
袖看時。却是誰來。那客官姓葉名李。字太白。錢唐人
氏。因爲上書切諫。似道被他黥面流於漳州。似道事
敗。凡被其貶竄者。都赦回原籍。葉李得赦還鄉。路從
泉州經過。正與似道相遇。故意叫他。似道羞慚滿面。
下車施禮。口稱得罪。葉李問鄭虎臣討紙筆來。作詞
一首相贈。詞云

君來路。吾歸路。來來去去何曾住。公田關子竟何
如。國事當時誰與誤。○雷州戶。厓州戶。人生會有
相逢處。客中頗恨乏蒸羊。聊贈一篇長短句。

當初北宋仁宗皇帝時節宰相寇準有瀆罪退去之
功却被奸臣丁謂所譖貶爲雷州司戶未幾丁謂奸
謀敗露亦貶於崖州路從雷州經過寇準遣人送蒸
羊一隻聯表地主之禮丁謂慚愧連夜偷行過去不
敢停留今日葉李詞中正用這箇故事以見天道反
覆冤家不可做盡也似道得詞慚愧無地手捧金珠
一包贈與葉李聊助路資葉李不受而去熊虎臣唱
道這不義之財犬豕不顧誰人要你的就似道手中
奪來拋散於地吩咐教車仗快走口內罵聲不絕似道
流淚不止那虎臣的主意只教買似道受奸不過自

尋死路其如似道貪戀餘生比及到得漳州童僕逃走俱盡單單似道父子三人真箇是身無雙木口無甘味賤如奴隸窮比乞兒苦楚不可盡說漳州太守趙分如正是賈似道舊時門客聞得似道到來出城迎接看見光景淒涼好生傷感又見鄭虎臣顏色不善不敢十分發勦是日趙分如設宴館驛管待鄭虎臣意欲請似道同坐虎臣不許似道也謙讓道天使在此罪人安敢與席到是趙分如過意不去只得另設一席於別室使通判陪侍似道自己陪虎臣飲酒中間分如察虎臣口氣衝張頗添乃假意問道天使

今日押圍練至此想無生理何不教他速死免受苦惱却不乾淨虎臣笑道便是這惡物事偏受得許多苦惱要他好死却不肯死趙分如不敢再言次日五鼓不等太守來送便催趙起程離城五里天尚未大明到箇菴院虎臣教歇脚且進菴梳洗早膳似道看這菴中扁額寫着木綿菴三字大驚道二年前神僧鉢盂中贈詩有鬧花結子在綿州句莫非應在今日我死必矣進菴急呼二子分付說話已被虎臣拘囚於別室似道自分必死身邊藏得冰腦一包因洗臉就掬水吞之覺腹中痛極討箇虎子坐下看看命絕

虎臣料他服毒乃罵道奸賊奸賊百萬生靈死於汝
手汝延推許多路程却要自死到今日老爺偏不容
你將大槌連頭連腦打下二三十打得希爛嗚呼死
了却教人報他兩個兒子說道你父親中惡快來看
視兒子見老子身死放聲大哭虎臣奮怒一槌一箇
都打死了却教手下人拖去一邊只說逃走去了虎
臣投撻於地歎道吾今日上報父仇下爲萬民降害
雖死不恨矣就用隨身衣服將草薦捲之埋於大纒
巷之側埋得定當方將病狀問白太守趙分如趙分
如明知是虎臣手脚見他克狠那敢盤問只得依他

只以實事
而實事
手

瘞狀申報各司去訖直待虎臣動身去後方纔倚
下棺木掘起似道屍骸重新殞殮埋葬成墳爲文祭
之辭曰

嗚呼。願齊死蜀。死於宗申先生死間。死於虎臣哀
哉。尚饗。

那履齊是誰。姓吳名潛。是理宗朝的丞相。因賈似道
謀代其位。造下謠言。誣之以罪。害他循州安置。却教
循州知州劉宗申逼他服毒而死。今日似道下旣循
州。未及到彼。先死於木綿菴。比吳潛之禍更慘。這四
句祭文。隱隱說天理報應。越分如對。然出於似道門

下也見他良心不泯處閒話休題再說似道既貶之
後家私田產雖說入官那葛嶺大宅誰人管業高臺
曲池日就荒落墻頽壁倒遊人來觀者無不感歎多
有人題詩於門壁今錄得二首詩云

深院無人草已荒
底知事去身宜去
理考發身端有自
臥龍不肯畱渠住

漆屏金字尚輝煌
豈料人亡國亦亡
鄭人應夢果何祥
空使晴光滿畫墻

又詩云

事到窮時計亦窮

此行纔倚鄂州功

木、綿、蒼、裏、千、年、恨、
石、砌、苔、稠、猿、步、月、
客、來、不、用、多、惆、悵、

秋、瑟、亭、中、一、夢、空、
松、亭、葉、落、鳥、呼、風、
試、向、吳、山、望、故、宮、